

F4889
3

961135751
20250701000

3523 (47.922.19)

F

გამგეობის მოხსენა

წყლის ტარიფის გადიდებას შესახებ.

F-4-889
3

ქალაქის გამგეობა წარმოებათა შემოსავლის გადიდების დროს წყალსადენს ყოველთვის განსაკუთრებული თვალსაზრისით უყურებდა. მას გათვალისწინებული ჰქონდა ის პირველხარისხიანი მნიშვნელობა, რომელიც წყალს აქვს საზოგადოთ ქალაქის სანიტარულ მდგომარეობის გაუმჯობესების საქმეში და კერძოთ მოქალაქის ყოველდღიურ ცხოვრებაში. ამიტომ გამგეობა, მიუხედავთ მოსალოდნელ დეფიციტისა, წყლის ტარიფს აღიდებდა ისე, რომ ცოტა დეფიციტით შესაძლებელი ყოფილიყო წყალსადენის ხარჯების დაფარვა, ოღონდ წყალი იათად მიეწოდებია მოქალაქეთათვის. მიუხედავთ გამგეობის მიერ მიღებულ ზომების და ხსენებულ თვალსაზრისისა ობიექტიური პირობები აიძულებს მას სურვილის წინააღმდეგ წყლის ტარიფის გადიდებაზე იფიქროს. დღითი-დღე წყალსადენისთვის საჭირო გასათბობი მასალა და სხვა საექსპლოატაციო ხარჯები იზრდება და მის დაცემის კი არა, ცოტა ხნით მაინც ერთ დონეზე შეჩერებაც არ არის მოსალოდნელი ახლო მომავლში. ამიტომ ქალაქის გამგეობამ განაზრახა წყლის ტარიფის კვლავ გადიდება.

უკანასკნელად წყლის ტარიფი იქნა გადიდებული 1920 წლის 1 მარტიდან (ერთი შაურის მაგიერ ვედრო წყალი ვახდა ორი შაური) მ. წ. მარტში საჭობსადმი წარდგენილ მოხსენებაში ჩვენ აღვნიშნეთ ყველა ის ზომები, რომელნიც იქნა გამგეობის მიერ მიღებული წყალსადენის ხარჯების შესამცირებლად, ეს ზომები დღესაც ხორციელდება, ამიტომ მასზე განმეორებით აღარ ვილაპარაკებთ, ვიტყვით მხოლოდ რომ მიღებულ ზომების წყალობით დღევანდელ ფასებში ეკონომია გამოიხატა:

(207.320 ფ. + 40.150 ფ. × 125 მ) = 30.973.750 მან.

წყალსადენის ხარჯი 1920 წელში ნავარაუდები იყო:

1. მაზუთის ხარჯი: 237.250 ფ. × 40,5 მ. = 9.608.625 მან.
2. შაბის 3.000.000 "
3. საექსპლოატაციო 10.744.620 "
4. პირადი შემადგენლობის 5.973.295 "

სულ . 29.326.540

1920 წლის შემოსავალი კი ნავარაუდები იყო: 28.626.325 მან
 „ ხარალი ფყო ნავარაუდები 67021 მან





ამრიგად 1920 წელში წყალსადენის ბალანსი მცირე ზარალით იყო ნავარაუდევი, რომლის დაფარვასაც გამგეობა, ოღონდ წყლის ტარიფის გადიდებისაგან თავი დაეხწია, სხვა წყაროებიდან ფიქრობდა.

ამას გარდა გამგეობას იმედი ჰქონდა, რომ საზღვარგარედან შეკვეთილ ტუმბოს (ნასოსს) მიიღებდა, რომლის შემწეობითაც დღევანდელ ფასებში ეფიქრობდით ეკონომიას (550 ფ.—135 ფ.×365 დლ.=151.500 ფ.×125)=18.937.500 მ. მიუხედავად იმისა რომ თვით მთავრობა გვეხმარებოდა, ტუმბოს მიღება საზღვარგარედან დღემდე შეუძლებელი შეიქნა.

მ. წ. 15 აპრილიდან მახუთის ფასმაც ერთი სემად აიწია: 40,5 მ. მაგიერ ერთი ფუთი მახუთი ფრანკო-ავტულა დღეს 125 მანეთი ღირს. ამ ორ თვენახევარში გამგეობა, მიუხედავად ხარჯების ამრიგად ზრდისა მაინც არ აღიდგება წყლის ტარიფს იმ იმედით, რომ დღეს თუ არა ხვალ მახუთის ფასი დაიწვედა, მაგრამ სამწუხაროთ ჩვენი იმედები ჯერ-ჯერობით არ გამართლდა. ყოველ-დღიური ზარალი კი იმდენად დიდია, რომ იძულებული ვართ ეს საკითხი პირველ რიგში დავაყენოთ.

15 აპრილიდან წლის ბოლომდე ზარალი იქნება (260 დლ.×650 ფ.××125 მ.—40,5 მ.)=14.280.500 მ. სხვა ხარჯებთან ერთად საექსპლოატაციო ხარჯებმაც იმატეს 100%-ით. აქედან ექვსი თვის განმავლობაში ზარალი გამოიხატება:

$$\frac{10.744.620 \times 6}{12} = 5.372.310 \text{ მ.}$$

ამრიგად წყალსადენის მთელი ზარალი იქნება:

$$14.280.500 \text{ მ.} + 5.372.310 \text{ მ.} = 19.652.810 \text{ მ.}$$

ასეთ დიდ ზარალის დაფარვას სხვა წყაროებიდან გამგეობა ვერ შესძლებს, ამიტომ მას დარჩენია ერთად ერთი გზა—წყლის ტარიფის გადიდება.

1919 წლის ნავარაუდევი წყლის რაოდენობა რომ ავიღოთ, ტარიფის გადიდებაზე შემდეგი ზედმეტი შემოსავალი იქნება:

$$\frac{288.177.000 \times 6}{12} \times 10 = 14.408.850 \text{ მ.}$$

ამრიგად ვერც ახალი ტარიფით იფარება წყალსადენის მთელი ზარალი. იგი გამოიხატება 19.652.810 მ.—14.280.500 მ.=5.243.950 მ. ვინაიდან წყლის ტარიფის 10%—ზე მეტით გადიდება დღევანდელ პირობებში გამგეობას შეუძლებლად მიაჩნია, ზარალის დაფარვას იგი ფიქრობს სხვა წყაროებიდან.

ახალი წყლის ტარიფი, გამგეობის აზრით, მოქალაქეთ მძიმე ტვირთად არ დააწევება, ვინაიდან მცხოვრებთა უღარიბეს ნაწილს განაპირა უბნებში დადგმულ 45 ონკანიდან უფასოთ ეძლევადა წყალი, დანარჩენ მცხოვრებთათვის კი მათ სხვა ხარჯებთან შედარებით წყლის ხარჯები მცირე % შეადგენენ:

ომამდის როცა მუშას დღეში ერთი მანეთი ჰქონდა ხელფასი თავის

მ. 932.10.11



ოჯახით წყალზედ ჯამაგირის 1⁰/₁₀ ხარჯავდა (წყალი ფასობდა 1 ვედ.—
 1¹/₅ კაპ.) ახალი ტარიფის შემდეგ კი — 0,8⁰/₁₀ (დღეში 120 მ. წყლის ხარჯი
 5×1 ვ.×20=1 მან., ანუ 1¹/₁₂₀=0,8⁰/₁₀) აქედან ცხადია, რომ მუშისათვის
 წყალი დღეს უფრო იაფია, ვიდრე ომამდის იყო.

ყველა ამ მოსაზრებით ქალაქის გამგეობა აუცილებელ საჭიროებად
 სთვლის წყლის ტარიფის გადიდებას მიმდინარე წლის 1 მკათათვიდან
 100⁰/₁₀-ით, ე. ი. ერთი ვედრო წყალი ეღირება 20 კაპ.

გამგეობა უდგენს რა საბჭოს ზემოხსნებულ თავის მოსაზრებას,
 სთხოვს მის დადასტურებას.

ქალაქის მოურავი ბ. ჩხიკვიშვილი

მოურავის ამხანაგი გ. კონიაშვილი

გამგეობის წევრნი	}	ი. ბესელიძე
		კ. ფანიევი
		მ. მაჭავარიანი
		გ. შოთაძე
		ფ. პაპავა

მდივანი ა. შენგელია



